

永樂大典

卷三千一百三十  
三

永樂大典卷之三十一百三十三

九真

陳

陳遺

南史潘綜傳宋初吳郡人陳遺少為郡吏母好食釜底飯遺在  
役恒帶一囊每食餼錄其焦以貽母後孫思胤聚得數升恒  
帶自隨及敗逃竄多有餓死遺以此得活母晝夜泣涕目為失明耳無所  
聞遺還入戶再拜號咷母豁然明明姓氏遂華道任主簿常煮焦飯遺母  
一日戰敗逃以焦飯

有時人謂純孝所感

陳憲

惟揚志憲廣陵人元嘉二十七年虜主佛狸攻圍懸瓠憲行汝  
南郡事嬰城自守虜多作高樓施弩以射城內飛矢雨下城中  
負戶以汲又毀佛圖取金像以為大鈎施之衝車端以牽樓作  
礮礮車以填塹憲督厲將士固女牆而戰賊死者屍與城等

陳文詔

上元縣志宋孝建三年建康人陳文詔訴父鏡為竟陵王  
誕府史恒使人山圖畫道路不聽歸家誕大怒使人殺鏡

永樂大典卷三十一百三十三

陳顯達

南齊列傳顯達南彭城人也宋孝武世為承水前軍幢主  
景和中以勞歷樞使太始初以軍主隸徐州刺史劉懷珍  
北征累至東海王板行參軍員外郎恭始四年封彭澤縣子邑三百戶  
馬頭義陽二郡太守羽林監濮陽太守隸太祖討桂陽賊於新亭壘劉勰  
大折敗賊進杜婁定及休範死太祖欲還衛宮城或諫太祖曰桂陽雖死  
賊黨猶熾人情難固不可輕動太祖乃止道顯達率司空參軍高敬祖自  
查浦渡淮緣石頭北道入承明門屯東堂宮中恐動得顯達至稍定顯達  
出杜婁宅大戰破賊矢中左眼拔箭而鐵不出地黃村潘姬善禁先以釘  
釘柱姬為步作氣釘即時出乃禁顯達日中鐵出之封豐城縣侯邑千戶  
轉游擊將軍尋為使持節督廣交越三州湘州之廣興軍事輔國將軍于  
越中郎將廣州刺史進號冠軍沈攸之舉起顯達遣軍獲臺長史到適司  
馬諸葛導謂顯達曰沈攸之擁眾百萬賊員之勢未可知不如保境蓄眾  
分遣信驛密通彼此顯達於座手斬之還表疏歸心太祖進使持節左將  
軍軍至巴丘而沈攸之平除散騎常侍左衛將軍轉前將軍太祖太尉左  
司馬齊臺建為散騎常侍左衛將軍領衛尉太祖即位遷中護軍增邑十  
六百戶轉護軍將軍顯達答讓上答曰朝廷貴人以序卿忠於萬里信誓

# 永樂大典

## 卷三二二二三

如期雖屠城修國之勲無以相加此而不賞典章何在若必未宜爾吾終不妄授於卿數士意同家人豈止於君臣邪達明與王李俱祇召也上即位後御膳不宰牲顯達上熊蒸一盤上即以充飯建元二年虜寇壽陽淮南江北百姓搔動上以顯達為使持節散騎常侍都督南兗兗徐青冀五州諸軍事平北將軍南兗州刺史之鎮虜退上敕顯達曰虜經破散後當無復犯關理但國家邊防自應過存備豫宋元嘉二十七年後江夏王作南充徒鎮盱眙沈司空亦以孝建初鎮彼政當以淮上要於廣陵耳卿謂前代此處分云何今僉議皆云卿應據彼地吾未能決乃當以擾動文武為勞若是公計不得擇之事竟不行遷都督益寧二州軍事又西將軍益州刺史領宋寧太守持節常侍如故世祖即位進號鎮西益部山陰多不賓服大度村獠前後刺史不能制顯達遣使責其租賦獠帥曰兩眼刺史尚不敢調我遂殺其使顯達分部將吏聲將出獵夜往襲之男女無少長皆斬之自此山夷震服廣漢賊司馬龍駒據郡反顯達又討平之未明二年徵為侍中護軍將軍顯達累任在外經太祖之憂及見世祖流涕悲咽上亦泣心甚嘉之五年荒人桓天生自稱桓玄宗族與雍州二州界蠻虜相角動據南陽故城上遣顯達征即平征虜將軍戴僧靜等水軍向死業

永樂大典卷三二二二三

二

相山參軍授顯達節度天生率虜衆萬餘人攻舞陰舞陰戍主輔國將軍侯公慈擊殺其副張麒麟天生破倉逃走仍以顯達為使持節散騎常侍都督雍梁南北秦郢州之竟陵司州之隨郡軍事鎮北將軍領寧蠻校尉雍州刺史顯達進據舞陽城遣僧靜等先進與天生再戰大破之官軍還數月天生復出攻舞陰殺公慈破之天生還窳荒中萃城平氏曰土三城賊稍稍降散八年進號征北將軍其年仍遷侍中鎮軍將軍尋加中領軍出為使持節散騎常侍都督江州諸軍事征南大將軍江州刺史給鼓吹一部顯達謙辱有智計自以人微位重每遷官常有愧懼之色有子十餘人誠以我本志不及此汝等勿以富貴陵人家既豪富諸子與王敬則諸兒並騎車牛屨服飾富世快牛稱陳世子青玉三郎烏呂文顯折角江瞿曇白鼻顯達謂其子曰麀尾扇是王謝家許汝不須捉此自逐十一年秋虜動詔屯樊城世祖遣詔即本號開府儀同三司隆昌元年遷侍中車騎將軍開府如故首兵佐豫廢鬱林之勲建興元年為司空進爵公增邑千戶中伏五十人入殿高宗即位進太尉侍中如故改封鄱陽郡公邑三千戶加兵二百人給由格車建武二年虜攻徐司詔顯達出往來新亭白下以為聲勢上欲志除高武諸孫微言問顯達答曰此等豈足介慮上乃

止。顯達建武世。心懷不安。深自貶匿。車來朽故。導從鹵簿。皆用贏小。不過十數人。侍宴酒後。塔上曰。臣年已老。當貴已足。唯少枕枕死。特就陛下乞之。上失色曰。公醉矣。以年禮告退不許。是時虜頻寇雍州。展軍不捷。失河。北五郡。永泰元年。乃遣顯達北討。詔曰。晉氏中微。宋德將謝。蕃臣外叛。要荒內侮。天未悔禍。左社亂華。巢穴神州。逆移年載。朕嗣膺景業。踵武前王。靜言隆替。思又區夏。但多難甫夷。恩化聲冷。興師擾衆。非政所先。用載遠。圖權緩北。卷冀戎。知義懷我好音。而凶醜剽掠。專事侵掠。騎扇異類。蟻聚西偏。乘彼自來之資。撫其天亡之會。軍無再駕。民不重勞。傳檄以定三秦。一麾而臣。出述。在此舉矣。且中原士庶。久望皇威。乞師請援。結軌馳道。信不可失。時豈終朝。宜分命方叔。因茲大號。侍中太尉顯達。可暫假槐陰。指授群帥。中外戒嚴。加顯達使持節。向襄陽。永元元年。顯達督平北將軍。崔慧景軍四萬。圍南鄉。城去襄陽三百里。攻之四十日。虜食盡。敢死入肉。及樹皮。外圍既急。虜突走。斬獲十計。官軍殺取城中。稍不復窮追。顯達入據其城。遣軍主莊丘累。進取南鄉縣。故從陽郡治也。虜主元宏。自領十餘萬騎。至顯達引軍渡水。西據鷹子山。築城。人情沮敗。虜兵甚急。軍主崔恭祖。胡松。以烏布幔。威顯達數人。擔之。逕道從分嶺。山出均水口。

水滸大典卷三千一百三十三

臺軍緣道奔退。死者三萬餘人。左軍將張十戰死。追贈游擊將軍。顯達素有威名。著於蠻虜。至是大損喪。馬。御史中丞范岫。奏免顯達官。朝議優詔。答曰。昔衛霍出塞。往往無功。馮鄩入關。有時虧喪。况公規謀肅舉。期寄兼深。見可知難。無損威略。方振遠圖。廓清病土。雖執憲有常。非所得議。顯達表解職不許。未降號又不許。以顯達為都督。江州軍事。江州刺史鎮益城。持節本官如故。初。王敬則事起。始安王遙光。啓明帝。慮顯達為變。欲遣軍還。事尋平。乃寢。顯達亦懷危怖。及東昏立。猶不樂還京師。得此授甚喜。尋加領征南大將軍。給三望車。顯達聞京師大相殺戮。又知徐孝嗣等皆死。傳聞當遣兵襲江州。顯達懼禍。十一月十五日。舉兵。令長史庾弘遠。司馬徐虎龍。與胡貴書曰。諸君足下。我太祖高皇帝。啟哲自天。超人作聖。屬彼宋季。綱紀自頽。應擇從民。遺此基業。世祖武帝。昭略通遠。克纂洪嗣。四關罷嶮。三河靜塵。鬱林海陵。頓孤負荷。明帝英聖。超建中興。至于後主。行悖三才。琴橫由席。繡積麻筵。淫祀先宮。撤興閭閻。皇陛為市。屢之所。離房起征戰之門。任非華尚。龍必寒廝。江僕射兄弟。忠言屬薦。正諫繁興。獲族之誅。於斯而至。故乃行噬之刑。四割於海路。家門之壘。一起於中都。蕭劉二領軍。並升御座。共稟遺詔。宗戚之苦。諒不足談。渭陽之悲。何事至此。徐

司空歷葉忠榮清簡流世匡翼之功未著領宗之罰已彰况僕射年在壯  
車將念机杖歡歌因載紀影朝門忽招陵上之罰何萬古之傷哉遂使紫  
臺之路絕縉紳之嚮縷組之閣罷金張之胤悲哉蟬冕為賤龍之服嗚呼  
皇陛列劫暨之生且天人同怨乾象變錯往歲三州流血今者五地自動  
昔漢池異色蒼王因之見廢吳郡雙震步生以為奸倖况事隆於往佐業  
倍於前實此而未廢孰不可與主僕射王領軍崔護軍中維簡正逆念則  
心蕭衛尉蔡詹事沈左衛各負民家共傷時安先朝遺舊志在名節河列  
丹書要同義舉建安殿下秀德中遠寔允神器器器明之舉往聖流言今奉  
從戎驅亟請乞路須京塵一靜西迎大駕歌舞太平不亦佳哉裴源州宿  
遣誠言久懷慷慨計其助兵已登淮路申司州志節堅明分見迎合摠勅  
偏率殿我而進蕭雅州房僧寄竝已暴邁旌鼓將及南兗州司馬崔恭祖  
壯烈超群素驍屢至所聽烽謀共成脅齒荆郢行事蕭張二賢莫不紫  
會風橫戈待節關畿蓄守之儔孰非義侶我太尉公體道公聖杖德脩文  
神武橫於七伐雄略震於九綱是乃從波英序還抗社稷本欲與茹細  
無勞戈刃但忠實有心節義難遺信次之間森然十萬飛旂咽於九派列  
艦迷於三川此蓋捧海澆瑩烈火消凍耳吾子其擇善而從之無令竹帛

空為後人笑也朝廷遣後軍將軍胡松驍騎將軍李叔獻水軍擁梁山左  
衛將軍左興威假節加征虜將軍督前鋒軍事屯新亭輔國將軍驍騎將  
軍徐世標領兵屯杜燒宅顯達率眾數千人發壽陽與胡松戰於抹石大  
破之京邑震恐十二月十三日顯達至新林築城壘左興威率眾軍為拒  
戰之計其夜顯達多置屯火於岸側潛軍渡取石頭北上襲宮城遇風失  
曉十四日平旦數十人登落星峒新亭軍望火謂顯達猶在既而奔歸赴  
救屯城南宮掖大駭閉門守備顯達馬稍從步軍數百人於西洲前與臺  
軍戰再合大勝手殺數人稍折宮軍繼至顯達不能抗退走至西州從烏  
榜村為騎官趙澤注稍刺落馬斬之於離側血湧溺離似厚于伯之被刑  
也時年七十二顯達在江州遇疾不治尋而自差意喜不悅是冬連大雪  
最首子朱養而雪不集之諸子皆伏誅賈見王致則濟下南史顯達諸子  
與王敬則諸况並精車牛屨服飾當世快牛稱陳世子青王三郎烏呂文  
顯折角江翟曇白鼻而皆集陳舍顯達知此不悅父子休尚為郢府主簿  
過九江拜別顯達曰凡奢侈者鮮有不敗臺尾蠅拂先王謝家許汝不須  
捉此自遂即取於前燒除之其靜退如此後以太尉判都陽郡公為三公  
事而職典連舉人以為格外三公永元元年十一月十五日舉兵欲直襲

建郡以掩不備又送指鄂州刺史  
建安王寶寅為主論

# 陳伯之

梁書列傳伯之濟陰睢陵人也幼有膂力年十三四好著  
頰皮冠帶判刀候伺隣里稍熟輒偷刈之嘗為田主所見  
可之云楚子莫動伯之謂田主曰君相幸多一擔何苦田主將執之伯之  
因伏刀而進將刺之白楚子定何如田主皆反走伯之徐擔稻而歸及年  
長在鍾離數為劫盜嘗殺面覘人船船人斫之獲其左耳後隨辨人車騎  
將軍王廣之廣之愛其勇每夜卧下榻征伐嘗自隨齊安陸王子敬為南  
兗州頗持兵自衛明帝遣廣之討子敬廣之至尋陽遣伯之先驅因城開  
獨入斬子敬又頻有戰功以勲累遷為冠軍將軍驃騎司馬封魚復縣  
伯邑五百戶義師起東昏假伯之節督前驅諸軍事豫州刺史將軍如故  
尋轉江州據尋陽以拒義軍郢城平高祖得伯之禮主蘇隆之史說伯之  
即以爲安東將軍江州刺史伯之唯受命猶懷  
兩端偽云大軍未須使下高祖謂諸將曰伯之此器其心未定及其猶豫  
宜逼之衆軍遂次尋陽伯之退保南湖然後歸附進號鎮南將軍與衆俱  
下伯之頌蘇門尋進西明門建康城未平每見出降伯之輒喚與耳語高

永樂大典卷三百三十三

五

祖恐其復懷翻覆密語伯之曰聞城中甚忿卿舉江州降欲遣刺客中卿  
宜以為慮伯之未之信會東昏將鄭伯倫降高祖使伯倫過伯之謂曰城  
中甚忿卿欲遣信誘卿以封賞須卿復降當主割卿手卿卿若不降復欲  
遣刺客殺卿宜深為備伯之懼自是無異志矣力戰有功城平進號征南  
將軍封豐城縣公邑二千戶遣還之頃伯之不識書及還江州得文牒辭  
訟惟作大諾而已有事與叢傳口語與奪決於主者伯之與豫章人鄧綬  
永興人戴永忠並有舊緒綬伯之息矣免禍伯之尤德之及在州用綬  
為別駕永忠記室叢軍河南褚綰京師之薄行者齊末為揚州西曹過亂  
居閭里而輕薄手能自致惟綰獨不違高祖即位綰頻造尚書范雲雲不  
好綰堅拒之綰益怒綰語所知曰建武以後草澤底下悉化成貴人吾何  
罪而見棄今天下草創饑饉不已喪亂未可知陳伯之擁溫兵在江州非  
代來臣有自疑意且焚惑守南斗詎非為我出今者一行事若無成入魏  
何處減作河南郡於是遂投伯之書佐王思勣事之大見親狎及伯之鄉  
人朱龍符為長流將軍並乘伯之愚聞悉行奸險刑政通塞悉共專之伯  
之子虎牙封示伯之而史伯之子天壽時為五明將軍太子孫龍符亦  
親行虎牙封示伯之而史伯之子天壽時為五明將軍太子孫龍符亦

# 永樂大典

卷三二二二二

高祖曰龍符號勇健兒。鄴緒事有績効。臺所遣別駕請以為治中。緒於是日夜說伯之云。臺家府庫空竭。僕無器仗。三倉無米。東境飢流。此萬代一時也。機不可失。賴永忠等每贊成之。伯之謂緒。今汝等若復不得。便與卿共下。使反高祖。故部內一郡。處緒伯之於是。集府州佐史。謂曰。奉齊建安王教。率江北義勇十萬。已次六合。見使。以江州見力。運糧。速下我。荷明帝厚恩。誓死以報。今使纂嚴備辦。使紹詐為蕭貢書。以示僚佐。於廳事前為壇。枝柱以翼。伯之先飲。長史已下次第。飲血。謂伯之曰。今奉大事。宜引哀望。程元冲不與人同心。臨川內史王觀。僧虔之孫。人自不惡。便可召為長史。以代元冲。伯之從之。仍以縞為壽陽太守。加討逆將軍。永忠輔義將軍。龍符為豫州刺史。率五百人守太雷。太雷戍主沈慧休。鎮南參軍李延伯。又遣鄉人孫懷。李景。受龍符節度。憐為徐州。景為郢州。豫章太守鄭伯倫。起郡兵距守。程元冲既失職於家。合率數百人使伯之。典籤呂孝通。戴元則為內應。伯之每旦常作。使日晡輒卧。左右仗身皆休息。元冲因其解施。從北門入。徑至廳事前。伯之聞叫聲。自率出。蓋元冲力不能敵。走逃廬山。初元冲起兵。要壽陽張孝季。孝季從之。既敗。伯之追孝季不得。得其母。郎氏。蟻灌殺之。遣信還都。報虎牙兄弟。虎牙等走盱眙。盱眙人徐安。莊

永樂大典卷三二二二二

六

興紹張顯明。避擊之不能禁。及見殺。高祖遣王茂討伯之。伯之聞茂來。謂綽等曰。王觀既不就命。鄭伯倫又不肯從。使應空手受困。今先平豫章。開通南路。多發丁力。益運資糧。然後席卷北向。以撲飢疲之衆。不憂不濟也。乃留鄉人唐盖入守城。遂相率趣豫章。太守鄭伯倫堅守。伯之攻之不能下。王茂前軍既至。伯之表裏受敵。乃敗走。聞道亡命出江北。與子虎牙及褚綽俱入魏。魏以伯之為使。持節散騎常侍都督淮南諸軍事。平南將軍。光祿大夫。曲江縣侯。天監四年。詔太尉臨川王宏率衆軍北討。宏命記室丘遲。私與伯之書曰。陳將軍足下無恙。幸甚。將軍勇冠三軍。才為世出。素鷗雀之小志。慕鴻鵠之高翔。昔因機變化。遭逢明主。立功立事。開國承家。朱輪華轂。擁旆萬里。何其壯也。如何一旦為奔亡之虜。聞鳴鑼而股戰。對穹廡以屈膝。又何者耶。尋君去就之際。非有他故。直以不能內審。諸已外受流言。沈迷猖獗。以至於此。聖朝赦罪論功。景耽錄用。收赤心於天下。安及側於萬物。將軍之所知。非假僕一二談也。朱鮪涉血於友于。張繡停刃於愛子。漢主不以為疑。魏君待之若舊。沈將軍無昔人之罪。而勲重於當代。夫迷塗知反。往哲是與。不遠而復。先典攸高。主上屈法申恩。吞舟是漏。將軍松柏不翦。親戚安居。高臺未傾。愛妾尚在。悠悠爾心。亦何可述。今功臣

名將。馬行有序。懷黃佩紫。質惟性之謀。乘輅建節。奉疆場之任。並刑馬作  
 誓。傳之子孫。將軍獨覲。願借命。驅馳異域。寧不哀哉。夫以慕容超之強身  
 送東市。姚泓之威面縛。西都。故知霜露所均。不肖異類。姬漢舊邦。無取維  
 種。北虜借盜中原。多歷年所。惡積禍盈。理至焦爛。況偽孽昏狡。自相夷戮。  
 部落攜離。酋豪猜貳。方當繫頸蠻邸。懸首秦街。而將軍魚游於沸鼎之中。  
 鸞巢於飛幕之上。不亦惑乎。慕容春三月。江南草長。雜花生樹。群鶯亂飛。見  
 故國之旗鼓。感平生於疇日。撫弦登陣。豈不愴恨。所以廉公之思趙將。吳  
 子之泣西河。人之情也。將軍獨無情哉。想早屬良圖。自求多福。自史天監  
 四年。詔王宏北徙。宏命記室丘遲私與伯之書。不曰。想早屬良圖。自求多  
 福。當今皇帝威明。天下安樂。白狼西獻。括矢東來。夜郎滇池。解網請職。朝  
 鮮昌海。缺角受化。唯北狄野心。孫法沙塞之間。欲延歲月之命耳。中軍臨  
 川殿下。明德茂親。總茲戎重。方帶人浴。戎車奉中。若是不改。方之僕言。  
 聊希姓像。君其詳之。伯之得書。乃於壽陽擁衆歸。武牙為魏人所殺。伯之  
 乃於壽陽擁衆八十歸。虎牙為魏人所殺。伯之既至。以為使持節都督西  
 豫州諸軍事。平北將軍西豫州刺史。永新縣侯。邑千戶。未之任。復以為通  
 直散騎常侍。驍騎將軍。又為太中大夫。久之卒於家。其子猶有在魏者。褚

永樂大典卷三十一百三十一

七

綽在魏。魏人欲擢用之。魏元會。綽戲為詩曰。帽上著籠冠。袴上著朱衣。不  
 知是今是。不知非昔非。魏人怒。出為始平太守。日日行獵。墮馬死。論見劉  
 李連傳。南史論曰。陳伯之雖輕狡為心。而勇勁自立。其累至爵位。蓋有  
 由焉。及喪亂既平。去就不已。卒得其死。亦為幸哉。慶之初同鸞雀之游。終  
 懷鴻鶴之志。及乎一見任委。長驅伊洛。前無強陣。攻靡堅城。雖南風不競。  
 晚致傾覆。其所剋捷。亦足稱之。蘭欽。歎有先鳴位。非虛受。終逢鴆毒。唯命  
 也。

春

陳慶之

梁書慶之字子雲。義興國山人也。幼而隨從高祖。高祖性  
 好。甚見親賞。從高祖東下。平建鄴。稍為主書。散財聚士。常思功用。除奉朝  
 請。普通中。魏徐州刺史元法僧於彭城求入內附。以慶之為武威將軍。與

胡龍牙成景儁率諸軍應接。還除宣猛將軍。文德主帥。仍率二千送豫章。  
 王綜入鎮徐州。魏遣安豐王元延明。臨淮王元或。率衆二萬來拒。屯於  
 延明先遣其別將丘大千築壘海陽。觀兵近境。慶之遣其壘一鼓。使遣。  
 後豫章王素軍奔魏。衆皆潰散。諸將莫能制止。慶之乃斬關夜追軍士得



金吾通七年。安西將軍元獨出征青春。除慶之假節總知軍事。魏豫州將  
史李憲遣其子長鈞到築兩城相拒。慶之攻之。憲力臣遂降。慶之入據其  
城。轉東宮直閣。賜爵中侯。大通元年。隸領軍曹仲宗伐渦陽。魏遣征南  
將軍常山王元昭等率馬步十五萬來援。前軍至馳湖。去渦陽四十里。慶  
之欲近戰。常放。賊之前鋒必是輕銳。與戰若捷。不足為功。如其不利。阻  
我軍勢。兵法所謂。以逸待勞。不如勿擊。慶之曰。魏人遠來。皆已疲倦。去我  
既遠。必不見疑。及其未集。須挫其氣。出其不意。必無不敗之理。且聞虜所  
據營林木甚盛。必不夜出。諸君若疑。慶之請獨取之。於是與麾下二百  
騎奔擊。破其前軍。魏人震恐。慶之乃還。與諸將連營而進。據渦陽城。與魏  
軍相持。自春至冬。數十百戰。師老氣衰。魏之援兵復欲築壘於軍後。仲宗  
等恐腹背受敵。謀欲退師。慶之伏節軍門曰。共來至此。涉歷一歲。糜費糧  
仗。其數極多。諸軍並無歸心。昔謀退縮。豈是欲立功名。直聚為抄暴耳。吾  
聞置兵死地。乃可求生。須虜大會。然後與戰。審欲班師。慶之別有家教。今  
日犯者。便依明詔。仲宗壯其計。乃從之。魏人倚角作十三城。慶之衝故夜  
出。陷其四壘。渦陽城主王緯乞降。所餘九城。兵甲猶盛。乃陳其俘虜。鼓噪  
而攻之。遂大奔潰。斬獲略盡。渦水咽流。降城中男女三萬餘口。詔以渦陽

永樂大典卷三十三

之地置西徐州。東軍家勝前項城。又高祖嘉馬賜慶之手詔曰。本非將種。  
又非豪家。朕望風雲。以至於此。可深思。昔略善克。今終聞朱。而侍賢揚  
聲。名於竹帛。豈非大丈夫哉。大通初。魏北海王元顥以本朝大亂。自後來  
降。求立為魏主。高祖納之。以慶之為假節。賜勇將軍。送元顥還北。顥於澳  
水即魏帝號。使慶之使持節。鎮北將軍。護軍。前軍。大都督。發自鉅縣。進拔  
築城。遂至睢陽。魏將丘大千有衆七萬。分築九城。以相拒。慶之攻之。自丑  
至申。陷其三壘。大千乃降。時魏征東將軍齊隆。元徽。業。率羽林。庶子二  
萬人來救。梁來進屯。老城。城四面築水。守備嚴固。慶之命浮水築壘。攻陷  
其城。生擒徽。業。獲租車五千八百兩。仍趣大梁。望旗歸款。顥遣慶之衛將  
軍。徐州刺史。武都公。仍率衆而西。魏左僕射。揚昱。西阿王。元慶。撫軍將軍。  
元顥。恭奉御仗。羽林宗子。唐子。衆凡七萬。據滎陽。拒顥。兵既稍強。城又險  
固。慶之攻。未能拔。魏將元天穆。大軍復將至。先遣其驍騎將軍。公。朱。吐。沒  
兒。須。胡。騎。五千。騎將。曾。安。領。夏。州。步。騎。九。千。援。揚。昱。又。遣。右。僕。射。朱。世。隆。  
西。州。刺。史。王。彥。騎。一。萬。據。武。牢。天。穆。沒。兒。前。後。繼。至。旗。鼓。相。望。時。宋。陽。  
未。拔。士。衆。皆。恐。慶。之。乃。解。鞍。秣。馬。宣。前。衆。曰。吾。至。此。以。來。屠。城。略。地。實。為。  
不。少。君。等。殺。人。父。兄。略。人。子。女。又。為。無。算。天。穆。之。衆。並。是。仇。讎。我。等。縱。有。

七十虜衆三十餘萬。今日之事義不圖存。吾以虜騎不可爭力。平原及未  
盡。主前須平其城。量諸君無傲狐疑。自貽屠脍。一鼓悉使登城。壯士東陽  
宋景休。義興魚天。懸踰堞而入。遂克之。俄而魏陣外合。慶之率騎三千背  
城逆戰。大破之。曾安於陣乞降。元天驕。爾朱吐沒兒。單騎獲免。收滎陽諸  
督牛馬。校帛不可勝計。進赴武牢。爾朱隆業城走。魏主元子攸懼奔并州。  
其臨淮王元彧。安豐王元延明。率百僚封府庫。備法駕。奉迎。顛入洛陽宮。  
御前殿。改元大赦。顛以慶之為侍中。車騎大將軍。左光祿大夫。增邑萬戶。  
魏大將軍。上黨王元天驕。王老生。李叔行。又率衆四萬人攻陷大梁。分遣  
老生。賈穆。兵二萬據武牢。刁宣。刁雙。入梁。衆慶之隨方掩襲。並皆降款。天  
驕與十餘騎。北渡河。高祖復賜手詔。稱美焉。慶之麾下悉著白袍。所向彼  
靡。先是各陽童諶曰。名師大將。莫自牢。千兵萬馬。避白袍。自蔡縣。縣生于  
洛陽。十四旬。平三十二城。四十七戰。所向無前。初元子攸。止單騎奔走。宮  
衛墮。侍無改於常。顛既得志。荒于酒色。乃日夜宴樂。不復視事。與安豐臨  
淮共立毒計。將背朝恩。絕實貢之禮。直以時事未安。且資慶之之力。用外  
同內異。言多忌刻。慶之心知之。亦密為其計。乃說顛曰。今遠來至此。求伏  
道多。若人知虛實。方更連兵。而安不忘危。須預為其策。宜啓天子。更請精

兵并勸諸州有南人。受此者悉須部送。顛欲從之。元延明說顛曰。陳慶之  
兵不出數十。已自難制。今增其衆。寧肯復為用乎。權柄一去。動轉聽人。魏  
之宗社於斯而滅。顛由是致疑。稍成疎貳。慮慶之密啓。乃表高祖曰。河北  
可南。一時已定。唯爾朱榮尚敢跋扈。臣與慶之自能擒討。今州郡新服。正  
須安撫。不宜更復加兵。搖動百姓。高祖遂詔衆軍皆停界首。洛下南人不  
出一萬。羗夷十倍。軍到馬。佛念言於慶之曰。功高不賞。實主身危。二事既  
有。將軍豈得無慮。自古以來。廢昏立明。扶危定難。鮮有得終。今將軍威震  
中原。聲動可塞。屠顛據各。則千載一時也。慶之不從。顛前以慶之為徐州  
刺史。因固求之。鎮顛心憚之。遂不遣。乃曰。主上以各陽之地。全相任委。忽  
間捨此。朝寄。故性彭城。謂君遠取。富貴不為。國計手執。顛仍恐成。僕責慶  
之不敢。復言魏。天柱將軍。爾朱榮。右僕射。爾朱隆。大都督。元天驕。魏騎將  
軍。爾朱吐沒兒。榮。長史。高歡。鮮卑。萬。勳。衆。號百萬。拔魏主元子攸。來攻  
顛。顛據各陽。六十五日。凡所得城。一時反叛。慶之渡河守北中。邯鄲。三日  
中。十有一戰。傷殺甚衆。榮將退。時有劉勳者。善天文。乃謂榮曰。不出十日。  
河南大定。榮乃縛木為筏。濟自碛石。與顛戰於河橋。顛大敗。走至臨。補。遇  
賊破擒。洛陽。陷。慶之馬步數千。結陣東。及榮。親自來追。值高山。水共。益

# 永樂大典

卷三二二三

軍人死散慶之乃落須髮為沙門閒行至豫州豫州人程道雍等潛送出汝陰至都仍以功除右衛將軍封永興縣侯邑一千五百戶出為持節都督綠淮諸軍事魯武將軍北兗州刺史會有妖賊沙門僧強自稱為帝土柔蔡伯龍起兵應之僧強頗知幻術更相扇惑眾至三萬攻陷北徐州齊陰太守楊起文棄城走鍾離太守單布寶見害使慶之討焉車駕幸白下臨錢謂慶之曰江淮兵勁其鋒難當卿可以策制之不宜決戰慶之受命而行曾未決辰斬伯龍僧強傳其首鄣中大通二年除都督南北司西豫州四州諸軍事南北司二州刺史除並如故慶之至鎮遂圍懸於破魏頊州刺史婁起揚州刺史是云寶於溱水又破行臺孫騰大都督侯進豫州刺史克雄梁州刺史司馬恭於楚城罷義陽鎮兵停水陸轉運江湖諸州並得休息開田六十頃二年之後倉廩充實高祖每嘉勞之又表省南司州復安陸郡置上明郡大同二年魏遣將侯景率眾七萬寇楚州刺史桓和陷沒景仍進軍淮上胎慶之書使降故遣湘潭侯進右衛夏侯夔等赴援軍至黎黎慶之已擊破景時大寒雪景棄輜重走慶之收之以歸進號仁威將軍是歲豫州饑慶之開倉賑給多所全濟州民李昇等八百人表請樹碑頌德詔許焉五年十月辛時年五十六贈散騎常侍左衛將軍致

永樂大典卷三二二三

十

吹一部。謚曰武。教義興郡發五百丁會喪慶之性祇慎。衣不純綺。不好絲竹。射不穿札。馬非所便。而善撫軍士。能得其死力。長子昭嗣。

## 陳昕

梁書列傳昕慶之第五子。字君章。七歲能騎射。十二隨父入洛。於路遇疾。還京師。詣鴻臚卿朱异。异訪北閭形勢。昕聚土畫地。

指麾分別。异甚奇之。大同四年。為邵陵王常侍文德主帥。右衛伏主。教遣助防義陽。魏州豫州刺史克雄北閭驍將。九子寶樂特為敢勇。慶之圍懸狐。雄來赴其難。寶樂求單騎拔戰。昕躍馬直趣寶樂。雄即散潰。仍陷溱城。六年除威遠將軍。小岷城主。以公事免。十年妖賊王勤宗起於巴山郡。以昕為宣猛將軍。假節討焉。勤宗平。除陰陵戍主。北譙太守。以疾不之官。又除驃騎外兵。俄為臨川太守。太清二年。侯景圍歷陽。教召昕還。昕答云。殊石急須重鎮。王質水軍輕弱。恐慮不濟。乃拜昕為雲旗將軍。代質未及下流。景已渡江。仍遣年所領遊防城外。不得入守。欲奔京口。乃為景所擒。景見昕殺勤。因留極飲。曰。我至此得卿。餘人無能為也。今昕收集部曲。將用之。昕誓而不許。景使其儀同范桃棒嚴禁之。昕因說桃棒。令率所領歸降。襲殺王偉。來子仙為信。桃棒許之。遂盟約射啓城中。遣昕夜縋而入。高祖大喜。教即受降。太宗逆疑。景日不決。外事發。昕希之知。猶依期而下。景邀

得之乃逼所令更射書城中云挑棟止輕將數十人先入景欲表甲隨之  
所既不肯為書期以必死遂為景所害時年三十三 史臣曰陳慶之蘭  
欽俱有將略戰勝功取蓋願牧衛霍之亞歟慶之警悟早  
侍高祖既預舊恩加之謹肅蟬冕組珮亦一世之榮矣

### 陳暄

南史所傳少弟暄學不師受文才俊逸尤嗜酒無節操徧歷王  
公門沈湎諛諂過差非度其兄子秀常憂之致書於暄友人何

胥冀以諷諫暄聞之與秀書曰旦見汝書與孝典陳吾飲酒過差吾有此  
好五十餘年昔吳國張長公亦稱耽嗜吾見張時伊已六十自言引滿大  
勝少年時吾今所進亦多於往日老而猶篤唯吾與張季舒耳吾方與此  
子交歡於地下汝欲大吾所志邪昔阮咸阮籍同遊竹林宣子不聞斯言  
王湛能玄言巧騎武子才為飛叔何陳留之風不嗣太原之氣歸然翻成  
可恠吾既寂寞當世朽病殘年產不異於頽原名未動於卿相若不日飲  
醇酒復欲安歸汝以飲酒為非吾以不飲酒為過嘗周伯仁度江唯三日  
醒吾不以為少鄭康成一飲三百盃吾不以為多然洪醉之後有得有失  
成虧養之志是其得也使次公之任是其失也吾常警酒之猶水亦可以  
濟舟亦可以覆舟故江諮議有言酒猶舟也兵可十日而不用不可一日

水樂大典卷三十一百三十一

十一

而不備酒可十日而不飲不可一飲而不醉美哉江公可與共論酒矣汝  
驚吾墮馬侍中之門陷地武陵之第徧布朝野自言焦煉丘也幸苟有過  
人必知之吾生平所願身沒之後題吾墓云陳故酒徒陳君之神道看斯  
志意豈避南征之不復實誼之慟哭者哉何水曹眼不識孟鑑吾口不離  
瓢杓汝寧與何同日而醒與吾同日而醉乎政言其醒可及其醉不可及  
也速營糟丘吾將老焉爾無多言非爾所及暄以落魄不為中正所品久  
不得調太康中徐陵為吏部尚書精簡人物縉紳之士皆嚮慕焉暄以玉  
帽簪挿髻紅絲布裘頭袍拂鞞靴至膝不陳爵里直上陵坐陵不之識命  
吏持下暄徐步而出舉止自若竟無作容作書誇陵甚病之後主之在  
東宮引為學士及即位遷通直散騎常侍與義陽王叔達尚書北範度支  
尚書兼權侍中王暄金紫光祿大夫陳襄御史中丞沈攸散騎常侍王儀  
等恒入禁中陪侍將宴謂為狎客暄素通脫以俳優自居文章諧謔語言  
不節後主甚親昵而輕侮之嘗倒屣于梁臨之以月命使作賦仍限以數  
刻暄援筆即成不以為病而撒弄轉甚後主稍不能容後還紳艾為帽加  
于其首火以焚之然及於髮垂泣求哀聲聞于外而弗之擇會嘗射柳柳  
莊在坐遽起撥之并謝曰陳暄無罪臣恐陛下有翫人之大輒為赦之造

次之愆。伏待刑憲。後主素重莊。意稍解。執引暄出。命莊就坐。經數日。暄發  
傳而死。論見陳伯之傳。信安志。陳暄字子舒。原喪其父。事母孝。登第召  
試入館。以不往謝。用事者出伴隆興。姓氏違華。陳暄曰。  
莫笑此老无益。多見與廢。杜詩云。莫笑田家老无益。

### 陳仲儒

通鑑綱目。梁武帝天監十八年。魏陳仲儒奏律準法不行。

取其必數。攝政樂器。而調聲之體。官商且商。徵羽用清。若依公孫崇。以  
十二律聲。而云運相為宮。清濁是足。唯黃鐘管最長。故以黃鐘為宮。則往  
往相順。若均之八音。猶須錯水夾音。配成其長。若以應鐘為宮。則實為徵。  
則徵濁而宮清。雖有其韻。不成音曲。若以中呂為宮。則十二律中全無所  
取。今依京房書中呂為宮。乃以土夾為商。執始為徵。然後方韻而樂。乃以  
中呂為宮。備用林鐘為徵。何由可諧。律聲者。唯應鐘。又傳爾略。黃鐘十三  
絃。隨間九尺。不言須註以下。又一寸之內。有萬九千六百八十三分。微細  
難明。仲儒私考。準當施絃。但前却絃中。以約半分。則相去之韻。之自應合。  
其中絃粗細。須與聲宮相類。施於以調聲。今與黃鐘相合。中絃下依數重  
六十律。清濁之節。其餘十二絃。有施絃如事。即於中絃某處。一用之聲。度  
者十二絃上。然後依相生之法。以次運行。取十二律之高微。高微既定。又  
依琴五調。調聲之法。以均樂器。然後錯水夾聲。以七絃之若事。有本此聲  
則不和。尚書書。黃鐘長寸九寸。

### 陳寶應

陳書寶應。晉安侯官人也。世為閩中四姓。父羽。有才幹。為  
郡雄豪。寶應性反。復多變詐。梁代晉安。數反。累殺郡將。羽

初竝扇惑。合成其事。後復為官軍擄。破之。由是一郡兵權皆自己出。侯  
景之亂。晉安太守寶化侯蕭雲。以郡讓羽。羽年老。但治郡事。令寶應典兵。  
是時東境饑饉。會稽尤甚。死者十七八。平民男女竝皆自賣。而晉安獨豐  
大。寶應自海道。懸臨安。永嘉及會稽。餘姚諸暨。又載米粟。與之貨易。多致  
玉帛子女。其有能致舟車者。亦竝奔歸之。由是大致貨產。士衆彙成。侯景  
平。元帝因以羽為晉安太守。高祖輔政。羽請歸老。求傳郡于寶應。高祖許  
之。紹泰元年。授壯武將軍。晉安太守。每加負外。散騎常侍。二年。封侯官縣  
侯。授持節。散騎常侍。信武將軍。閩州刺史。領會稽太守。世祖嗣位。進號宣  
毅將軍。又加其父光祿大夫。仍命宗正錄其本系。編為宗室。并遣使條其

子女無大小竝加封爵實應娶留異女為妻侯安都之討異也實應遣兵  
取之又資周迪兵種出寇臨川又都督章昭達於東興南城破迪世祖因  
命昭達都督衆軍由建安南道渡嶺又命益州刺史領信義太守余孝頃  
都督會稽東陽臨海永嘉諸軍自東道會之以討實應并詔宗正絕其屬  
籍於是尚書下符曰告晉安士庶昔罷西旅拒漢不稽誅遂東叛換魏申  
宏略若夫無諸漢之策勳有扈氏之同姓至於納吳淠之子致播海之師  
違如啓之命有甘誓之討也迪族不繫於宗盟名無紀於庸器而顯成三  
叛豐深四罪者乎案問元陳實應父子并服支尊本送受敬梁季喪亂  
獨阻絕父既蒙依扇動靈取推替其生自為渠帥無聞訓義所資毒詭爰  
肆蜂豺俄而解印失行方謝網漏忘舟日月居諸棄之度外自東南至氣  
寒表聖基斗牛聚星允符玉迹梯山航海雖若欽誠擅割環玦竟敢職貢  
朝廷違養合於龍臺隆赫起家臨郡兼畫纛之榮裂地置州假蕃臺之盛  
即封戶曠仍邑陳陽豪華較者十人保弊虐而萬石又以威重君臨推恩  
妻敬隆周朝會過長勝侯由是紫泥青紙遠貢恩澤輝亭龜祖頌又嬰孩  
自谷遷喬執復為擬而苞藏鴆毒敢行狼戾運結留異表東周迪盟欽婚  
姻自為骨肉屈禮山谷推移歲時及我投騎防山定秦望之西部戈船下

永樂大典卷三千一百三十五

十三

預克匪澤之南川遂取舉谷竝助凶孽莫不應弦摧蠲盡殪醜徒每以罪  
在首末開茲驅逼所收降賊竝勒釋放仍遣中使爰降詔書天網恢恢猶  
許改思異既走險迪又逃刑誑侮王人為之川數遣使表熙請帝遣數頭  
行馬援觀姓猶安井底至如遺絕九賦剽掠四民閭閻資財盡室封奪凡  
厥倉頭皆略黔首發賊相扇叶契連蹤乃復逾超瀛海寇捷決口侵軼嶺  
嶺掩襲迭城燒掠吏民焚燒官寺此而可縱孰不可容今遣少州刺史俞  
文周明威將軍程文素假節宣猛將軍成州刺史甘他假節奕旗將軍譚  
頊假節宣猛將軍監臨海郡陳思慶前軍將軍徐智遠明毅將軍宜黃縣  
開國侯慧紀明遠將軍新除晉安太守趙泰持節通直散騎常侍壯武將  
軍定州刺史康樂縣開國侯林馮假節信威將軍都督東討諸軍事益州  
刺史餘孝頃率羽林二萬蒙衝蓋海東跨滄波掃蕩巢窟此皆明趾教戰  
濡頌鞠旅累從揚僕亟走孫恩新蛟中流命馮夷而鳴鼓危懼為駕櫓方  
壘而建旗義安太守張紹賓忠誠欽到累使求軍南康內史裴亮新除輕  
車將軍劉奉東衡州刺史錢道戢竝即遣人仗琪紹賓同行故司空歐陽  
公昔有表奏請宣薄伐遂違意合若伏波之論兵長逝遺誠同子願之勿  
救江南是謝上策無忘周南餘恨嗣子弗吝廣州刺史歐陽仲允符家聲

# 永樂大典

卷三二二二三

韋遵廣略舟師步卒二萬分趨水扼長鯨陸掣封鎖董率衝廣之師會我  
六軍澶州刺史李膺明州刺史戴晃新州刺史區白猷壯武將軍修行師陳  
留太守張遂前安成內史闕慎前廬陵太守陸子隆前豫寧太守任望奴  
巴山太守黃法慈戎昭將軍湘東公世子徐敬成吳州刺史魯廣遠前吳  
州刺史遂興縣開國侯詳使持節都督征討諸軍事散騎常侍護軍將軍  
昭遠率鐵騎五千組甲二萬直渡邵武仍頓晉安按營揚旌黃山堙石指  
期犄角以制飛走前宣威太守錢肅臨川太守駱牙太子左衛率孫謝壽  
湯太守莫景隆豫章太守劉廣德竝隨機鎮邊絡驛在路使持節散騎常  
侍鎮西南將軍開府儀同三司江州刺史新建縣開國侯法純戎叢中丞  
以為後殿斧鉞所臨罪唯元惡及留吳父子其黨主帥雖有請尼幽谷相  
背淮陰若能翻然改圖因機立效非止肆責乃加賞擢其建晉士民久被  
驅迫者大軍明加撫慰各安樂業流寓失鄉即還本土其餘立功立業已  
具賞格若執迷不改同惡起趨斧鉞一臨罔知所救昭遠既冠周迪謝東  
興猶頓于建安除孝順又自臨海道襲于晉安寶應據建安之胡除逆拒  
王師水陸為綱昭遠深溝高壘不與戰但令軍士伐木為障俄而水盛乘  
流放之突其水柵仍水步薄之寶應泉潰而奔山草間窘而就執并其子

水樂大典卷三二二二三

十四

第二十八人送都新于建康市 史臣曰梁末之災沴群凶競起郡邑巖穴  
之長村屯郭壁之豪資剽掠以致擾恣陵侮而為大高祖應期撥亂戡定  
安輯熊暉朗周迪留異陳寶應雖身逢興運猶志在亂暉朗姦惡翻覆夷  
滅斯為幸矣寶應及異世祖或取以婚姻或履其類族豈有不能威制蓋  
以德懷也遂乃背恩負義各立異圖地匪淮南有為帝之志弊  
非庸蜀啓自王之心嗚呼既其迷暗所致五宗屠戮宜哉

## 陳擬

陳書擬字公岳高祖疎屬也少孤貧性質直謹記高祖南征交  
後事并應接軍糧高祖作鎮朱方擬除步兵校尉曲阿令紹泰元年後自  
威將軍義興太守二年入知衛尉事除員外散騎常侍明威將軍雍州刺  
史資監南徐州高祖踐阼詔曰維城宗子實固有風盤石懿親用隆大漢  
故會盟則異姓為後啓土則非劉勿王所以糾合枝幹廣樹蕃屏前王懋  
典列代恒規從子持節員外散騎常侍明威將軍雍州刺史監南徐州擬  
持節通直散騎侍郎貞威將軍北徐州刺史襄從子晃從孫假節員外  
散騎常侍明威將軍諡假節信威將軍北徐州刺史吉陽縣開國侯諡假  
節通直散騎侍郎信武將軍諡假節散騎侍郎雄信將軍青州刺史廣梁

太守詳貞威將軍通直散騎侍郎慧紀從孫敬推敬奉並技成室近功勞  
王室宜列河山以光利建擬可承脩縣開國侯爽鍾陵縣開國侯吳建城  
縣開國侯又上饒縣開國侯諱慶化孫開國侯諱仍前封柘豫章縣開國  
侯詳遂興縣開國侯慧紀宜黃縣開國侯敬推寧都縣開國侯敬恭平固  
縣開國侯各邑五百戶擬尋除輕車將軍兼南徐州刺史常侍如故其年  
授通直散騎常侍中領軍三年遷以本官監南徐州世祖嗣位除丹陽尹  
常侍如故生事又以白衣知郡尋便本職天嘉元年卒時年五十八贈領  
軍將軍凶事所須並官資給諡曰定二年配享高祖廟廷子黃嗣 史臣  
曰詩云宗子維城無併成壞又曰綿綿瓜瓞萬壽  
索之西京皆豐沛故人東都亦南陽多顯有以哉

### 陳詳

陳書詳字文機少出家為桑門善書記談論清雅高祖討侯景  
召詳令及初服配以兵馬從定京邑高祖東征杜龕詳別下安  
吉原柳故鄣三縣龕平以功授散騎侍郎假節惟信將軍青州刺史資割  
故鄣廣德置廣梁郡以詳為太守高祖踐祚改廣梁為陳留又以為陳留  
太守永定二年封遂興縣侯食邑五百戶其年除明威將軍通直散騎常  
侍三年隨侯安都破上琳將軍東爰於宮亭湖世祖嗣位除宣城太守特

水樂大典卷三十一百三十三

五

軍如故王琳下據桐口詳隨吳明徹襲淦城取琳家口不克因入南湖自  
鄱陽步道而歸琳平詳與明徹並無功天嘉元年隨例增邑并前一十五  
百戶仍除通直散騎常侍兼右衛將軍三年出為假節都督吳州諸軍事  
仁威將軍吳州刺史周迪據臨川舉兵詳自州從他道襲迪於濡城別營  
獲其妻子迪敗走詳還復本鎮五年周迪復出臨川乃以詳為都督率水  
步討迪軍至南城與賊相遇戰敗死之時年四十二以所統失律無贈諡  
子正理嗣論  
見陳擬傳後

### 陳慧紀

陳書慧紀字元方高祖之從孫也涉獵書史負才任氣高  
祖平侯景慧紀從焉壽配以兵馬兼平從征仁龕除貞威  
將軍通直散騎常侍高祖踐祚封宜黃縣侯邑五百戶除黃門侍郎世祖  
即位出為安吉縣令遷明威將軍軍副司空章昭遠征安蜀城慧紀為水  
軍都督於荊州燒青泥船艦光大元年以功除持節通直散騎常侍宣遠  
將軍豐州刺史增邑并前一千戶大運十年其明徹北討敗績以慧紀為  
持節智武將軍綠江都督兗州刺史增邑并前二千戶除如故周軍東勝  
據有淮南江外騷擾慧紀收集士卒自海道還都尋除使持節散騎常侍



宣毅將軍都督郢巴二州諸軍事郢州刺史增邑并前二千五百戶至德二年遷使持節散騎常侍雲麾將軍都督荆信二州諸軍事荆州刺史賜女伎一部增邑并前三千戶禎明九年蕭琮尚書左僕射安平王蕭巖晉熙王暉等率其部來男女二萬餘口詣慧紀請降慧紀以兵迎之其年以應接之功加侍中金紫光祿大夫開府儀同三司征西將軍增邑并前六千戶餘如故及隋師濟江元帥清河公楊素下自己破慧紀遣其將呂忠肅陸倫等拒之戰敗素進據馬頭是時隋將韓擒虎及賀若弼等已齊江瑛壽山慧紀聞之留其長史陳文威等守身平將士三萬人據船十餘艘沿江而下欲趣臺城至漢口為秦王俊軍所拒不得進因與相州刺史晉熙王叔文巴州刺史畢寶等請降入隋依例授儀同三司頃之卒于止平頗有文學論見陳擬傳後通志禎明三年隋師濟江慧紀率將士三萬合船艦十餘艘沿江而下欲趣臺城遣南康太守呂肅將兵據平吹以五條鐵鎖橫江肅竭其私財以充軍用隋將楊素奮兵擊之四十餘戰爭馬鞍山及磨刀關守險隋軍士死者五千餘人陳人盡取其鼻以求功賞既而隋軍虜獲陳之士二縱之肅乃逸保延州別帥廖世龍領大舫詐降欲燒隋艦更決死一戰於是有五黃龍備來邑各長十餘丈艤首連接順流

永樂大典卷三百三十三

十六

而東風浪大起雲霧晦冥陳人震駭不覺火自焚隋軍乘高艦張大弩以射之陳軍大敗風浪應時頓息肅北歸東走慧紀時至漢口為隋秦王俊所拒不得進聞肅敗盡燒公安之儲引兵東下因推相州刺史晉熙王叔文為盟主水軍都督周羅暉與郢州刺史司法尚守江夏及建鄴平隋晉王廣遣一使以慧紀子正業來諭又使樊毅喻羅暉其上流咸成志解甲於是慧紀及巴州刺史畢寶並勸哭俱降慧紀入隋依例授儀同三司守德廣州晉康志佛智祖郢陵人父法念仕梁為驍騎將軍新名二州刺史西江都督遂居於龍水其先世襲永平郡公公承業世之資賦銀鉅萬部曲數十擢為羅州刺史州有桂林陳廢帝光大二年授南靖太守以孝義訓蠻俗大建中除西衡州刺史安靖郡公浚隱晦不出至煬帝大業十三年終年七十三歲長子龍樹仕唐歷瀧南扶建萬善南施六州刺史封鄆陽縣開國男孫集原以勇節著聞仕唐為冠軍將軍潁川郡開國公食邑三千戶子仁謙仕至銀青光祿大夫都知兵馬使

### 陳佛智

### 陳襄

南史陳暉傳陳後主即位時陳襄為金紫光祿大夫襄與暉等恒入禁中陪侍游宴謂為俠客

# 陳徐儀

臨安志徐儀東海郡人陵第三子也正明初為尚書殿中  
所兼東宮學士陳亡入隋開皇九年隱于錢塘積山隱帝

召為學士尋  
除著作郎

# 陳智深

金陵志智深蕭摩訶騎士勇力過人摩訶之戰其子先已  
籍漢智深收摩訶屍手自殯歎來感行路君子義之

# 陳禹

金陵志禹潁川人隨摩訶征討聰敏有  
識量解風角兵書頗能屬文使騎射

# 陳建

魏書列傳建代人也祖澤太祖末為右衛將軍父陽尚書建以  
善騎射擢為三郎稍遷下大夫內行長世祖討山胡白龍意甚

輕之單將數十騎登山臨峻每日如此白龍乃伏壯士十餘輩出於不意  
世祖墮馬棄主不測建以身捍賊大呼奮擊殺賊數人身被十餘創世祖  
壯之賜戶二十高宗初賜爵阜城侯加冠軍將軍出為幽州刺史從秦郡  
公高宗以建貪暴懦弱遣使就州罰杖五十高祖初徵為尚書右僕射加  
侍中進爵趙郡公建與侍中尚書晉陽侯元仙德殿中尚書長樂王穆亮  
比部尚書平原王陸叡密表曰皇天輔德命集大魏臣等祖父莫贊初興

永樂大典卷三百三十三

十七

勳過蜀漢誓固山河享茲景福寵辱休戚與國均焉臣以凡近識無遠達  
階籍先寵遂荷今任彼已之譏播於群口仰感生成俯自策厲顧省驚歎  
終於無益然飲冰寤寐實悚慙員至於頓天高地厚何日忘之自永嘉之  
末封豕橫噬為敵南據奄有荆楚及橫劉跋扈禍難相繼恭宗隔望秩之  
敬青徐限見德之風獻文皇帝翬龍飛道光率土千戚暫舞淮海從風  
車書既同華裔將一昊天不弔奄背萬邦竊聞劉昱天亡權臣殺害思正  
之民翹想罔極愚謂時不再來機宜易失毫分之差致悔十里天與不取  
反受其咎所謂見而不詐過在介石者也沮簡雉將號令八方義陽王臣  
視深悟存不遠同孫氏苟歷運響從則兵會可定脫事有難成則旅旅而  
逐道可以揚義聲於四海退可以通德信於遐裔宜乘之會運鍾今日如  
合聖聽乞速施行脫忤天心原存臣表徐觀後驗賞罰隨焉高祖嘉之遷  
司徒征西大將軍進爵魏郡王高祖與文明太后頻幸建第賜建妻宴於  
後庭犬和九年薨子念襲爵為中山守坐掠良人為御史中尉  
王顯所彈遇赦免爵除

# 陳竒

魏書列傳竒字脩竒河北人也自云晉涼州刺史驥之八世孫  
祖刃仕慕容垂竒少孤家貧而奉母至孝詔自職識有風成之

天性氣剛亮與俗不群愛說經典博通墳籍常非馬融鄭玄解經失旨志  
 在著述五經始注孝經論語頗傳於世為搢紳所稱與河間邢昺同召赴  
 京時秘書監游雅素聞其名始頗好之引入祕省欲授以史職後與奇論  
 典誥及詩書雅贊扶馬鄭至於易訟卦天與水違行雅曰自蔥嶺以西水  
 皆西流惟此而言易之所及自蔥嶺以東耳奇曰易理綿廣包含宇宙若  
 如公言自蔥嶺以西豈東向望允哉奇執義非雅每如此類終不苟從雅  
 性護短因以為嫌普眾奇或爾汝之或指為小人奇曰公身為君子奇  
 身且小人耳雅曰君言身且小人君祖父是何人也奇曰祖燕東郡侯釐  
 雅質奇曰侯釐何官也奇曰三皇不傳禮官名豈同哉故昔有雲師火正  
 為師之名以斯而言世輩則官異時易則禮變公為皇魏東宮內侍長侍  
 畏竟何職也由是雅深憾之先是勅以奇付雅令銓補祕書雅既惡之遂  
 不復叙用焉奇兀散數年高允與奇雖溫古稽嘉其遠致稱奇通識非凡  
 學所窺允微勸雅曰君朝望具瞻何為與野儒辨簡牘章句雅謂允有私  
 於奇曰君寧黨小人也乃取奇所注論語孝經焚於坑內奇曰公貴人不  
 乏懸薪何乃燃奇論語雅愈怒因告京師後主不聽傳授而奇無降志亦  
 評雅之失雅製昭皇太后碑文論后名字之美比諭前魏之魏后奇刺發

永樂大典卷三二二二三

文

其非是問於上詔下司徒檢對碑史事乃郭后雅有屈焉有人為諂書多  
 然時之言頗稱奇不得志雅乃諷在事云此書言奇不遂當是奇為人為  
 之如休律文造謗書者皆及擊賊逐抵奇罪時司徒平原王陸麗知奇見  
 枉惜其才崇故得遷延經年其有實言但執以微成竟致大戮遂及其家  
 奇於焉尤長在獄嘗自筮卦未及成乃擊破而歎曰吾不度來年冬季及  
 奇受害如其所占奇初被召夜夢星墜壓脚明而告人曰星則好風星則  
 好雨夢星墜脚必無善徵但時命峻切不敢不赴耳奇妹通常氏有子曰  
 矯之仕歷郡守神龜中上書陳時政所宜言頌忠至清河王暉稱美之奇  
 所注論語矯之傳事未能行於世其義多異  
 鄭玄往往與司徒崔浩同贊論曰此傳以

### 陳元康

北史列傳元康字長猷廣宗人也父終德齊陰內史終於  
 鎮南將軍金紫光祿大夫元康青贈冀州刺史謚曰貞元

康頗涉文史機敏有幹用魏正光五年從尚書令李崇北伐以軍功賜爵  
 臨清縣男普泰中除主書加威烈將軍天保元年偕起居注二年遷司徒  
 府記室參軍尤為府公高昂所信倚出為瀛州開府司馬加輔國將軍所  
 至皆為稱職高祖聞而徵為稍被任使以為相府功曹參軍內掌機密高

祖經綸大業軍務煩廣元康承受意旨甚齊達性又柔謹通解世事高祖嘗怒世宗於內親加敲蹋極口罵之出以告元康元康諫曰王教訓世子自有禮法儀刑式瞻宜且至是言辭懇懇至于流涕高祖從此為之懲忿時或恚捷輒曰勿使元康知之其敬憚如此元康便辟善事人希頓候意多有進舉而不能平心處物溺於財利受納金帛不可勝紀於債交易偏於州郡為清論所譏從高祖破周文帝於邙山大會諸將議進退之策咸以為野無青草犬馬疲瘦不可遠追元康曰兩雄交戰歲月已久今得大捷便是天授時不可失必須乘勝追之高祖曰若遇伏兵孤何以濟元康曰王前涉沙苑還軍彼尚無伏今奔敗若此何能遠謀若捨而不追必成後患高祖竟不從以功封安平縣子邑三百戶每除平南將軍通直常侍轉大行臺郎中徙右丞及高祖疾篤謂世宗曰邙山之戰不用元康之言方貽汝患以此為恨死不瞑目高祖薨秘不發喪唯元康知之世宗副璽又見任侍拜散騎常侍中軍將軍別封昌國縣公邑一十戶侯景反世宗逼於諸將欲殺崔暹以謝之崔語元康元康諫曰今四海未清綱紀已定若以數將在外苟悅其心枉殺無辜虧廢刑典豈直上負天神何以下安黎庶是謂前事願公慎之世宗乃止高祖討侯景未剋世宗乃遣番相樂

水滸大典卷三千百三十五

元

副之元康曰相樂緩於機變不如慕容紹宗且先王有命稱其堪敵侯景公但推赤心於此人則侯景不足憂也是持紹宗在遠世宗欲召見之恐其驚叛元康曰紹宗知元康持家頗持新使人來餽金以致其誠款元康欲安其意故受之而厚答其書保無異也世宗乃任紹宗遂以破景賞元康金五十斤王思政入頊城諸將攻之不能拔元康進計於世宗曰公臣輔朝政未有殊功雖敗侯景本非外賊今頊城將陷願公因而棄之足以取之定業世宗令元康馳驛觀之復命曰必可拔世宗於是親征既至而剋賞元康金百錠初魏朝授世宗相國齊王世宗頓讓不受乃召諸將及諸人語專欲謀王我向已答王受朝命置官僚元康切忤或得黃門郎但時事未可耳崔暹因問之薦陸元規為大行臺郎欲以分元康權也元康既貪貨賄世宗內漸嫌之元康頗亦自懼又欲用為中書令以開地廣之事未施行屬世宗將受魏禪元康與楊愔崔舒並在世宗坐將大遷除朝士共品藻之世宗家蒼頭奴蘭固成先掌封牒甚被寵昵先是世宗杖之數十其人性陰又恃舊恩遂大忿意與其同事阿改謀害世宗阿改時事顯禍賞執刀隨後云若聞東齋呼聲即以加刃於顯祖是日值魏帝初

建東宮群官拜表事罷。顯祖出東止車門。別有所之。未還而難作。固成。因進食。置刀於盤下。而殺世宗。元康以身扞蔽。被斬傷重。至夜而終。時年四十三。楊愔狼狽走出。李舒逃匿於廁。庫直統奚樂。扞賊死。是時祕世宗凶問。故殯元康於宮中。託以出使南境。虛除中書。令明年乃詔曰。元康識超往哲。才極時英。十仞莫窺。萬頃難測。綜核戎政。備綸霸道。草昧邵陵之謀。翼贊河陽之會。運籌定策。盡力盡心。進忠補過。忘家徇國。掃平逋寇。廓清荆楚。申甫之在隆周。子房之處咸漢。曠世同規。殊年共美。大業未融。山墮。每及悼傷。既切。宜崇茂典。贈使持節都督冀定瀛殷滄五州諸軍事。驃騎大將軍。司空。冀州刺史。追封武邑縣一千戶。舊封並如故。謚曰文穆。時物一千二百段。大鴻臚監喪事。凶禮所須。隨由公給。元康母李氏。元康卒後。哀感發病。而終。贈廣宗。邵君。謚曰貞昭。元康子善藏。溫雅有監裁。武平末。假儀同三司。給事黃門侍郎。隋開皇中。尚書禮部侍郎。大業初。於彭城郡。黃治。元康弟。謚官至大鴻臚。次李球。鉅鹿太守。轉美州別駕。平秦王歸。序及李球守節不從。因而遇害。贈衛尉卿。趙州刺史。史臣贊元康事。詳從南史列傳。陳元康。普泰中。除主書。累遷司徒高昂記室。初。司馬子如高。李式與孫奉劇飲。奉醉死。神武命求好替。子如舉魏收。他日神武謂李式曰。

永樂大典卷三十三

二十

卿欲殺我孫主簿魏收。作文書都不稱我名。司徒嘗道一人謹密是誰。李式以元康對曰。是能夜聞書快吏也。召之。一見便授大丞相功曹。內掌機密。善陳事。意不為華藻。還大行臺都官郎。封安平子。軍國多務。元康問無不如。神武臨行。留元康在後馬上。有所號令。九十餘條。元康屈指數之。盡能記憶。神武甚親之。曰。如此人世間希有。我今得之。乃上天降佐也。時趙彥深亦知機密。人謂之陳趙。而元康勢居趙前。性又柔謹。神武之伐劉彥升。天寒雪深。使人舉纜。元康於纜下作軍書。颯颯運筆。筆不及凍。俄頃數紙及出。神武目之曰。此何如孔子邪。神武嘗怒文襄。親加跋踖。極口肆罵。以告元康。元康俯伏泣下。雷地曰。王教世子過失。神武曰。我性急。曠阿惠常如此。元康大呻曰。一度為甚。况常然邪。神武自是為之懲忿。時或志捷。輒曰。勿使元康知。又謂左右曰。元康用心誠實。必與我兒相抱死。高仲密之叛。神武知其由。崔暹將殺之。文襄匿暹為之請。神武曰。我為爾不殺。然須與苦手。文襄乃出暹。而謂元康曰。暹若得杖。不須見我。及暹見神武。將解水受罰。元康趨入止伍。伯因歷階升曰。王方以天下付世子。世子有一崔暹。不能免其杖。父子尚爾。况世間人邪。神武意解。曰。不由元康。崔暹得一百乃捨之。文襄入。謝居鄴下。崔暹崔李舒崔昂等竝被任用。張亮張徽

纂竝為神武待遇然皆出元康下神武每與元康久語文集門外待搢口  
時人語曰三崔二張不如一康左衛將軍郭瓊以罪死子婦范陽盧道虞  
女也。沒官。神武啓以賜元康為妻元康地寒時以為殊賞元康遂棄故妻  
李氏。識者非之。從神武於芒山將戰遺失陣圖元康冒險未得之西師既  
敗神武會諸將議進取策或以為人馬疲瘦不可遠追元康曰兩雄交爭  
歲月已久今得大捷便是天授時不可失必須乘勝追之神武曰若遇伏  
兵孤何以濟元康曰前沙苑還軍彼尚無伏今者奔敗何能遠謀捨之必  
成後患神武不從軍還大行臺左丞及神武疾篤謂文集曰芒山之戰不  
用元康言方貽汝患以此為恨死不瞑目事皆當與元康定也神武崩秘  
不發表唯元康知之文集嗣事自晉陽將之鄴今元康預作神武條教數  
十紙留付段孝先趙彥深在後以次行之別封昌國縣公以從嘉名文集  
家舍頭蘭固成掌尉與其弟阿改謀害文集阿改時事文宣常執刀從期  
間東齋呼即加刀於文宣時文宣別有所之未還而難作固成因進食置  
刀盤下而殺文集元康抱文集文集曰可惜可惜與賊爭力誓解披刺傷  
重腸出猶手書辭母口占祖孝徵陳權宜至夜而終時年四十三時楊愔  
狼狽走出遺一靴崔季舒逃匿于廁庫直統奚舍樂捍賊死散都督王師

永樂大典卷三千二百三十三

主

羅戰傷監尉舍頭薛豐洛率宰人持薪以赴難乃禽盜  
固成一名京事見齊本紀論見北史列傳孫季博後

### 陳忻

後周書忻字永怡宜陽人也少驍勇有氣俠姿貌魁岸同類咸  
敬憚之魏孝武西遷之後忻乃於辟惡山招集勇敢少年數十

人寇掠東魏仍密遣使歸附大統元年投持節伏波將軍羽林監立義大  
都督賜爵霸城縣男三年太祖復弘農東魏揚州刺史段琛拔城遁走忻  
率義徒於九曲道邀之殺傷甚衆擒其新安令張被太祖嘉其忠歎使行  
新安縣事及獨孤信入洛忻舉李延孫為前鋒仍從信守金墻城及河橋  
戰不利隨軍西還後行新安縣事東魏遣土人牛道恒為揚州刺史忻率  
兵擊破之進爵為子常隨有東諸將鎮邊伊洛間每有功效九年與李遠  
巡高仲密仍從戰邙山及大軍西還復與韓雄等依山合勢破東魏三城  
斬其金門郡守方臺洛增邑六百戶尋行宜陽郡事東魏復遣劉盆生為  
金門郡守忻又斬之除鎮遠將軍魏郡守俄授使持節平東將軍顯州刺  
史太祖以忻威著敵境仍留靜邊帝命之任十年侯景棄九曲城忻率眾  
邀之擒其宜陽郡守趙嵩金門郡守樂敬賓十三年從李遠平九曲城授  
師都督東魏將爾朱邁爾率精騎三千來向宜陽忻與諸將糧兵邀之殲

# 永樂大典

卷三二二二三

遂逃走十五年除宜陽郡守加大都督撫軍將軍十六年進車騎大將軍  
儀同三司散騎常侍與齊將東方老戰於石泉破之俘獲甚衆時東魏每  
歲遣兵送米饋宜陽忻輒與諸軍邀擊之石泉獲魏恭帝元年又與開  
府斛斯璉等共齊將段孝先戰于九曲大破之二年進位驃騎大將軍開  
府儀同三司加侍中其年授宜陽邑大中正賜姓尉遲氏太祖以忻著績  
累載贈其祖昆父父興孫俱為儀同三司昆齊州刺史興孫徐州刺史東  
魏洛州刺史獨孤永業號有智謀往來境上倚伏難測忻與韓雄等恒令  
間諜覘其動靜齊兵每至輒擊破之故永業深憚忻等不敢為寇孝閔帝  
踐祚徵忻入朝進爵為伯爵又進爵許昌縣公增邑一十戶武成元年除  
冀州刺史增邑通前二十六百戶又與開府救勤慶破齊將王鸞嵩仍從  
柱國陸通復石泉城天和元年卒於位忻與韓雄里閭姻婭少相親昵俱  
抱兵境上三十餘載每有樂杆二人相赴常若影響故得數討劫敵而常  
保功名雖並有武力至於排擲射中忻不如韓散財施惠得士衆心則唯  
不如忻身死之日將吏何其恩德莫不感慟焉子萬敵嗣朝廷以忻雅得  
天心還命萬敵領其部

永樂大典卷三二二二三

至

## 陳繫

安仁縣志繫居縣之長城鄉十九  
部後周顯德二年官授河東運使

## 陳茂

隋書列傳茂河東猗氏人也家世寒微曾直恭謹為州里所敬  
高祖為隋國公引為寮佐遇侍與通等每令與家事未嘗不  
稱高祖善之後從高祖與齊師戰于晉州賊甚盛高祖將挑戰茂固止  
不得因捉馬鞚高祖忿之拔刀斫其頰流血被面詞氣不撓高祖感而謝  
之身加禮敬其後官至上士高祖為丞相委以心膂及受禪拜給事黃門  
侍郎封魏城縣男每典機密在官十餘年轉益州總管司馬遷太府卿進  
爵為伯後數載卒官子政嗣政字弘道個儻有文武大略善鍾律使子為  
少養宮中年十七為太子千牛備身時京師大俠劉居士重政才氣數從  
之遊圓通子孝常與政相善並與居士交結及居士下獄政及孝常當從  
坐上以功臣子獲之二百而赦之由是不得調場帝時授協律郎遷通事  
諸省兵曹承務郎帝美其才甚重之字文化及

## 陳稜

隋書稜字長威廬江長安人也祖頌以漁釣自給父規少號勇  
事章大寶為味內都督大寶反授譙州刺史陳威廢于家高





十將士則日請晉州史安陽王叔慎年十八。置自會條史。過解縣曰。名臣之義。盡於此乎。史謝基伏而流涕。勸防遂興。侯正理起曰。王存臣死。諸軍獨奉陳國之臣乎。今天下有難。實致命之秋也。縱其無成。猶先臣節。門之外。有死不能。今日之機。不可猶豫。後應者斬。衆咸言諾。乃於性結盟。遣人詐奉降書於龐暉。暉入。叔慎伏甲執之以向。并其衆皆斬之。叔慎生丁射堂。招合士衆。數日之中。得五千人。衛陽太守樊通。武州刺史郭名。皆奉兵助之。隋州史薛育將兵過玉擊之。叔慎遣陳正理。樊通。郭名。共攻。青東。勝入城。擒叔慎。送秦。王俊斬之。

### 陳永貴

北史劉方傳永貴。隴右胡人。本姓白。以勇烈為隋文帝所親愛。數以行軍總管領邊。每戰必單騎陷陣。位柱國。蘭利

二州總管。封北陳郡公。

### 陳果仁

豫章志隋司徒果仁。字世威。晉陵人。後漢太丘長寔十七代孫。果官至司徒。唐武德三年卒。神堯詔晉陵父老陳果仁。身有八絕。何也。對曰。一忠。二孝。三文。四武。五義。六信。七謀。八辯。江西人。懷其德。立廟於城南。以祀。唐封忠烈公。南唐李氏時。神嘗以陰兵助征

永樂大典卷三十三

雷

伐。再冊為武烈帝。宋法弊民。畫受某題。陳果仁。吉身。右果仁。大業。告身。躬靜緣。明政二年。捨宅。跡長安。蒲氏物。歐陽文忠載其事。迹甚詳。果仁在隋無正傳。畧見史氏。又事沈法興為司徒。與孫士漢詐守文化。及者。故捨疏云。夫王司徒無事被戮。明政之疏。乃李子通僭位所立。當隋唐相予之際。豪傑並起之時。其間竊位。微倖頃刻之命者。豈勝數也。果仁居其時。以戮力自奮。與沈法興杜伏威。軍相魚肉於時。夷人之居。絕人之孤。亦多矣。至其喪身破家。妻女為俘。廬舍且猶不保。乃旋報之。明驗。又安得謂之無事哉。主南唐保大中。周師窺江南。唐之重兵北犯。錢氏乘虛圍常州。舊有果仁祠。唐人禱之。竟勝。浙兵以謂果仁有陰助。至封為帝者。號武烈。豈其能垂祐於異世之人。而不能保當年之居處。幽顯之理。果難詰哉。歐公之跋。主於此書。今終卷不復見。豈當時不以與蒲氏。或得之。而為人所攘。今並附歐公之文書。以遺蒲氏。庶幾為究文。

### 陳華

藝江志華。隋合州刺史。舊圖經云。義寧二年。獻瑞木。

### 陳孝意

隋書列傳河東孝意。少有志尚。弱冠。以貞介知名。大業初。為會都司。法書。依郡內。號為廉平。太守蘇威。常欲殺一囚。

孝意固疎。至於再三。感不許。孝意因解水請先受死。良久。感意乃解。謝而  
遣之。漸加禮敬。及感為納言。奏孝意為侍御史。後以父憂去職。居喪過禮。  
有白鹿馴擾其廬。時人以為孝感之應。未暮起。投鴈門郡丞。在郡菜食齋。  
居朝夕哀臨。每一發聲。未嘗不絕倒。柴毀骨立。見者哀之。于時政刑日紊。  
長吏多賦訐。孝意清節彌厲。發姦搆伏。動若有神。吏民稱之。煬帝幸江都。  
馬邑劉武周殺太守王仁恭。舉兵作亂。孝意率兵與武賁郎將王智辯討  
之。戰於下館城。反為所敗。武周遂轉攻傍郡。百姓尤尤。將懷叛。送前郡丞  
楊畏仁。鴈門令王確等。並桀黠。為無賴所歸。謀應武周。孝意陰知之。族戚  
其家。郡中戰慄。莫敢異志。俄而武周引兵來攻。孝意拒之。每致克捷。但孤  
城獨守。外無聲援。孝意執志誓以必死。每遣使江都。道路隔絕。竟無報命。  
孝意亦知帝必不反。每每旦暮。向詔勅庫。俯伏流涕。悲動  
左右。圍城百餘日。糧盡。為校尉張倫所殺。以城歸武周。

### 陳頤

晉康志。德慶州頤。唐開歷刺史。有功及  
民。鄉人即其居。金林鄉立祠封興化廟。

### 陳叔達

舊唐書列傳。叔達字子聰。陳宣帝第十六子也。善容止。頤  
有才學。在陳封義陽王。年十餘歲。嘗侍宴賦詩十韻。援筆

永樂大典卷三千一百三十五

五

便就。僕射徐陵甚奇之。歷侍中。丹陽尹。都官尚書。入隋久不得調。大業中  
拜內史舍人。出為絳郡通守。義師至絳。郡叔達以郡歸款。授丞相府主簿。  
封漢東郡公。與記室溫大雅同掌機密。軍書赦令。及禪代文誥。多叔達所  
為。武德元年。授黃門侍郎。二年。兼納言。四年。拜侍中。叔達明辨善容。止每  
有敷奏。指紳莫不屬目。江南名士薄遊長安者。多為薦拔。五年。進封江國  
公。嘗賜食於御前。得蒲萄。執而不食。高祖問其故。對曰。臣母患口乾。求之  
不能致。欲歸以遺母。高祖喟然流涕曰。卿有母。可遺乎。因賜物百段。貞觀  
初。加授光祿大夫。尋坐與蕭瑀對御。忿爭。免官。未幾。丁母憂。叔達先有疾。  
太宗慮其危殆。遣使禁絕弔賓。服闕。授遂州都督。以疾不行。父之拜禮部  
尚書。建成元。吉瑛害太宗。陰行譖毀。高祖惑其言。將有貶責。叔達固諫。乃  
止。至是。太宗勞之曰。武德時。危難潛構。知公有諫言。今之此拜。有以相答。  
叔達謝曰。此不獨為陛下。為社稷計耳。後坐閹庭不理。為憲司所劾。朝廷  
惜其名臣。不欲彰其罪。聽以散秩歸第。九年。卒。謚曰繆。後贈戶部尚書。改  
謚曰忠。有集十五卷。宋晁無咎濟北集。陳叔達拜禮部尚書。初。建成元。吉  
瑛害太宗。高祖惑其言。將行貶責。叔達固諫。乃止。至是。太宗勞之曰。武德  
時。危難潛構。知公有諫言。今之此拜。有以相答。叔達謝曰。此不獨為陛下。

杜撰計耳。人主以天下為度。記舊事。用公器。實私恩。雖不言。已可愧。又顯言之。使矣。叔連不受是也。通鑑綱目。唐太宗貞觀六年。冬。以陳叔連為禮部尚書。叔連曰。卿武德中有諫言。故相報。對曰。臣見隋室父子相殘。以亡。當日之言。非為陛下。乃社稷之計耳。明氏曰。陳叔連天下之公論。於秦土非私交也。以叔連婉良。自宜在親近之地。有欲違乎。何患無名。而太宗乃果武德中諫言。是以危疑而骨誘。臣下為後日計。豈若道哉。劉景文詩。陳叔連詩。陳亡誰教義陽王。世路艱危亦備嘗。無術可紓江左亂。蕩然風績動隋唐。

### 陳君賓

舊唐書列傳。君賓。陳鄆陽王伯山子也。任隋為襄國太守。鄆州刺史。州邑喪亂之後。百姓流離。君賓至。繞養月。皆來復業。二年。天下諸州並遭霖澇。君賓一境獨免。當年多有儲積。滿虞等州戶口盡入其境。遂食。太宗下詔勞之曰。朕以隋末亂離。毒被海內。率土百姓。零落殆盡。州里蕭條。十不存一。寤寐思之。心焉若疚。是以日吳忘食。求衣。曉夜孜孜。惟以安養為慮。每見水旱降災。霜雹失所。撫躬責己。自慙德薄。恐貧乏之黎庶。不免飢餓。傾竭倉廩。普加賑恤。其有一人絕食。若朕奪之。分命庶寮。

永樂大典卷三千二百三十三

三

盡心匡救。去年關內六州。及滿虞陝鼎等。復遭亢旱。禾稼不登。糧儲既少。遂令分旁就食。比聞刺史以下。及百姓等。並識朕懷。遂糧戶。到邊相安。養回運之日。各有贏糧。乃別齎布帛。以申贈遺。如此用意。加歎良深。一則知水旱無常。或此邊相極。賤不慮凶年。二則知禮讓興行。輕財重義。四海士庶。皆為兄弟。變澆薄之風。敦仁慈之俗。政化如此。朕復何憂。其安置戶口官人。支配得所。並令考司。錄為功最。養戶百姓。不法財帛。已勅主者。免今年調物。宜知此意。善相勸勉。其年入為太府少卿。轉少府少監。九年。坐事除名。後起授虞州刺史卒。

### 陳大德

通鑑綱目。唐太宗貞觀十五年。遣職方郎中陳大德使高麗。大德初入其境。欲知山川風俗。所至城邑。以綾綺遺其守者。遂得遊歷。見中國人。隋承從軍沒於高麗者。因問親戚存沒。大德曰。皆無恙。咸涕泣相告。數日。復隋人望之。而哭者。偏於郊野。大德歸。言於上。上曰。高麗本四鄰地耳。昔發卒數萬。取之不難。但山東州縣。形勢未復。吾不欲勞之耳。范氏曰。大德出使絕域。當布宣德澤。以懷遠人。使聲教所及。無思不服。而以賂遺說詐為謀。於外國。大使之職。豈不辱乎。

永樂大典卷之三十一百三十三

永樂大典卷之三十一百三十三

七